

Hojii Iimaana Diigu-Kutaa 2

Description

Kutaa darbe keessatti wareegni (qalmii) gosoota ibaadaa keessaa tokko akka taâ€™e ilaalle jirra. Qalmii ibaadaa kan taâ€™uu Gabbaramatti dhiyaachuuf, Isaaf gadi of qabuuf yoo niyyatameedha. Kanaafu, qalmi haala kanaan qalame Rabbii tokkichaaf malee hin taâ€™u. Namni qalma akkanaa Rabbiin ala wanta biraatiif godhe, shirkii hojjate jira. Kanaafu, hojiin isaa kuni hojii iimaana isaa diigudha jechuudha. Harâ€™as itti fufuun gosoota ibaadaa biroo ilaalla. Gosoota ibaadaa sirriitti beekun keenya shirkii irraa of eeggannooguddaa akka goonu nu gargaara.

Nazriin (Silatin) Gosoota Ibaadaa keessaa tokko

(B)-Nazriin (silatiin) ibaada Rabbii tokkicha shariika hin qabneef malee homaafu hin taanedha. Rabbiin subhaanahu wa taâ€™aalaa warra nazrii guutan faarse jira:

يُوقِنُ بِالنَّذْرِ وَيَخَافُونَ يَوْمًا كَانَ شَرُهُ مُسْتَطِيرًا

â€œIsaan nazrii isaanii ni guutuu, Guyyaa sharriin isaa babalâ€™atus ni sodaatuâ€‰Suuratu Al-Insaan 76:7

Nazrii (qodhaa)- jechuun namni hojii tokko hojjachuuf wanta nafsee ofii irratti dirqama godhuudha. Fakkeenyaaafakkana jechuu, â€œAni Rabbiif jedhe kana nan hojjadha.â€ Yookiin â€œYoo Rabbiin akkana naaf godhe, ani kana nan hojjadha.â€ jechuu. Amaariffaan â€œesilatâ€ Ingiliffaan â€œevowâ€ jedhama.

Ibsa aayah tanaa ilaachisee Sheykh Suleymaan bin Abdullah bin Muhammad bin Abdulwahhaab ni jedha: â€œDhugumatti, Rabbiin namoota nazrii guutan ni jaje (ni faarse). Rabbiin hojii dirqamaa ykn jaallatamaa hojjachu ykn wanta dhoowwame dhiisu irratti malee hin jaju. Wanta hayyamamaa taâ€™e qofa hojjachu irratti hin jaju. Suni ibaadadha. (Kana jechuun nazrii ibaadadha.)â€ (Taysiirul Aziizil Hamiid 11/576)

Rabbiin azza wa jalla ni jedha:

وَمَا آنفَقْتُمْ مِنْ نَفَقَةٍ أَوْ نَذْرٌ ثُمَّ مِنْ نَذْرٍ فَإِنَّ اللَّهَ يَعْلَمُهُ
وَمَا لِلظَّالِمِينَ مِنْ أَنْصَارٍ

â€œKennaar irraa wanti isin kennitan, yookiin nazrii irraa nazartan, Rabbiin isa ni beeka.

Zaalimootaaf gargaartonni homaatu hin jiran.â€ Suuratu Al-Baqarah 2:270

(Kana jechuun qabeenya ykn kan biraan irraa guddatus xiqlaatus jaalala Rabbii barbaadun wanti isin kennachuun sadaqattan yookiin qabeenya ykn kan biraan irraa wanti isin nafsee keessan irratti dirqama gootan, dhugumatti Rabbiin wanta san ni beeka, niyyaa keessan siritti beeka. Gara fuunduratti kanarratti mindaa isiniif kenna. Namni haqa Rabbii dhoowwate inni zaalima. Zaalimoonni gargaartoota adabbii Rabbii irraa isaan eegan hin qaban.[\[1\]](#))

Tafsiira aayah tanaa ilaachise ibn Kasiir ni jedha: kennaar fi nazrii irraa wanta gaarii namoonni hojjatan akka beeku Rabbiin oltaâ€™aan ni beeksiisa. Fuula Isaa barbaadu fi mindaa isaa kajeeluun hojjattoota kana hojjataniif jazaa baayâ€™ee guddaa kenu of keessatti qabata. Nama Isaaf hin ajajamne, inumaa ajaja Isaa faallesse, beeksisa Isaa kijibsiisee fi wanta biraan Isa waliin gabbare itti zaate. Ni jedhe: â€œZaalimootaaf gargaartonni homaatu hin jiran.â€ Kana jechuun Guyyaa Qiyaamaa adabbii Rabbii irraa kan isaan baraaru [hin argatan].â€ (Tafsiir Ibn Kasiir- 1/305)

Nabiyyiin sallallahu aleih wassallam Rabbiif ajajamuuf jedhanii wanta nazrii seenan akka guutan ajaje jira. Akkana jedha: â€œNamni Rabbiif ajajamuuf nazrii seene, Isaaf haa ajajamu. Namni Rabbiin faallessuuf nazrii seene, Isa hin faallessin (badii hin hojjatin).â€ Sahih Al-Bukhaari 6700

Ergamaan Rabbii sallallahu aleih wassallam namoota nazrii seenanii hin guunne ni balaaleefate. Ni jedha: â€œIsin keessaa irra gaariin dhaloota kiyya, ergasii kan isaanitti aanan, ergasii kan isaanitti aanan-[gabaasan hadiisaa] Imraan ni jedha, dhaloota isaatiin booda [dhaloota] lama ykn sadii dubbachuu isaa hin yaadadhu. Ergasii namoonni nazrii seenan ni dhufu garuu hin guutan, ni ganu hin amanaman. Osoo akka ragaa bahan hin gaafatamin ragaa ni bahuu, furdinni isaan keessatti mulâ€™ata.â€ [Sahih Al-Bukhaari 6695](#)

Ibn Baxxaal ni jedha: â€œNama amaanaa isaa ganuu fi nama nazrii hin guunne wal qixxesee. Ganuu kan balaalefatameedha. Kanaafu, nazrii guutuu dhiisunis balaalefatamaadha.â€ (Fatih Al-Baari 11/580)

Wanta armaan olii irraa nazriin ibaadaa Rabbiin namoota isa guutan ittiin jajeedha. Kanaafu, nazrii Rabbii tokkichaaf malee hin taâ€™u.

**Nazriin (silatin) gosoota Ibaadaa keessaa tokko waan taâ€™eef Rabbii
tokkichaaf malee eenyufillee hin taâ€™u.**

Sujuudaa fi Rukuâ€™unni Gosoota Ibaadaa irraayyi

(C)- Sujuunni fi rukuâ€™uni shakkii hin qabu ibaadaa Rabbii qofaaf taâ€™aniidha. Kuni dhimma zaahira dhoksaan keessa hin jirreedha. Sujuudaa fi rukuuâ€™a keessa hiika of gadi qabuu, of gadi xiqlaatus fi masakamuu daangaa olâ€™aanaa irra gahee Rabbii oltaâ€™aaf malee homaafu hin taanetu jira. Kawni (yuniversin) kuni Isaaf akka masakamuu fi sujuudu Rabbiin oltaâ€™aan beeksisee jira:

وَلِلَّهِ يَسْجُدُ مَنِ فِي السَّمَاوَاتِ وَالْأَرْضِ طَوْعًا وَكُرْهًا وَظِلَّلُهُمْ بِالْغَدْرِ



â€œFedhiinis taâ€™ii dirqiin kan samiiwwanii fi dachii keessa jiranii fi gaddiduun isaanii ganamaa fi saafaya Rabbiif sujuudu.â€ Suuratu Ar-Raâ€™d 13:15

Kana jechuun jaallatanis jibbaniis kan samiiwwani fi dachii keessan jiran hundi Rabbii tokkichaaf sujuudu. Fedhii fi filannoon Malaykooni samii keessa jiranii fi muâ€™mintooni dachii keessa jiran Isaaf sujuudu, gadi jedhu. Kaafironni dirqamaan sujuuduf. Yeroo garmalee rakkatan dirqidhaan Isaaf gadi jedhu. Gaaddisni uumamtootas guddinna Rabbiitiif masakama. Fedhii Isaatin jalqaba guyyaati fi dhuma guyyaa irratti ni sochoâ€™a. Aduun yommuu qaama jajjaboo irratti iftu, qaamni jajjabon kuni xiyyoota ifaa duubatti deebisuun gaddisni gara biraatin lafa irratti uumama. Gaddisni kuni akka nama sujuuda buâ€™uutti lafa irratti buâ€™a. Kanaafu, jaallatanis jibbanis gaaddisni isaanii Rabbiif ni sujuudaa jechuudha.

Saafaya jechuun Asrii irraa kaase hanga aduun seentutti waqtii jiruudha. Ingiliffan â€œafternoonâ€ [2]

Kitaaba Isaa keessatti bakka baayâ€™eetti Rabbiin subhaanahu Isa qofaaf sujuuduu fi rukuâ€™a buâ€™uutti ajaje.

يَأَيُّهَا الَّذِينَ إِمَنُوا أَرْكُعُوا وَاسْجُدُوا وَاعْبُدُوا رَبَّكُمْ



وَافْعُلُوا الْخَيْرَ لَعَلَّكُمْ تُفْلِحُونَ

â€œYaa warra amantan! Rukuâ€™a buâ€™aa, sujuudaa, Gooftaa keessan gabbaraa, waan gaarii hojjadhaa akka milkoftaniif.â€ Suuratu Al-Hajj 22:77

(وَمِنْ عَابِتِهِ الَّيلُ وَالنَّهَارُ وَالشَّمْسُ وَالقَمَرُ لَا تَسْجُدُوا لِلشَّمْسِ)

(وَلَا لِلْقَمَرِ وَاسْجُدُوا لِلَّهِ الَّذِي خَلَقُوهُ إِنْ كُنْتُمْ إِيَّاهُ تَعْبُدُونَ)

â€œMallattoolee Isaa irraa halkan, guyyaa, aduu fi jiâ€™a (baatii) dha. Isa kan gabbartan yoo taatan, aduu fi jiâ€™aaf hin sujuudinaa, Rabbii isaan uumeef sujuudaa.â€ Suuratu Fussilat 41:37-38

Kana jechuun tokkichummaa Rabbii, beekumsi, ogummaan, rahmannii fi dandeettin Isaa guutuu taâ€™uu wantoota agarsiisan keessaa halkan, guyyaa, aduu fi jiâ€™a. Kuni hundi ajajaa fi injifannoo Isaa jala jiru. Aduu fi jiiyni uumamtoota tooâ€™ataman waan taâ€™aniif isaaniif hin sujuudinaa. Rabbii isaan uumeef sujuudaa, dhugumatti isin haqaan Rabbiin kan gabbaran yoo taatan, Rabbiif qofa sujuudaa, aduu fi jiâ€™aaf hin sujuudinaa [3]

Bakka kanatti, ibn Taymiyaan ni jedha: â€œGabaabumatti, qiyamni (salaata keessatti dhaabbachuun), rukuâ€™uni fi sujuunni haqa gabbaramaa tokkichaa, Khaaliqa samiiwanii fi dachiiti. Wanta Rabbiif qofa haqa taâ€™e irraa kan biraatiif qoonni homaatu hin jiruâ€!

Ibaadan hundii Rabbii Tokkicha shariika hin qabneefi. Ni jedha:

وَمَا أَمْرُوا إِلَّا لِيَعْبُدُوا اللَّهَ مُخْلِصِينَ لِهِ الْدِينَ حُنَفَاءَ وَيُقِيمُوا الصَّلَاةَ
وَيُؤْتُوا الزَّكُوَةَ وَذَلِكَ دِينُ الْقِيمَةِ

â€œGara haqaatti qajeelun, amanti Isaaf qulqulleessuun Rabbiin qofa gabbaruu, salaata sirreessanii salaatu fi zakaa kennuu malee homaa hin ajajamne. Kuni amanti qajeeladha.â€ Suuratu Al-Bayyinah 98:5 (Majmuuâ€™al Fataawaa 27/93=gabaabbinnaan)

Xawaafnis ibaadaa Rabbii qofaaf taâ€™uudha. Akka lugaatti xawaafa jechuun wanta tokko irra naannaâ€™uudha. Akka shariâ€™aatti immoo Xawaafa jechuun ibaadaa hojjachuuf jecha â€œKaâ€™abaa irra naannaâ€™uudha.â€ Kawaafni kuni Kaâ€™abaa irra malee hin taâ€™u. Ragaan kanaa:

ثُمَّ لَيَقْضُوا تَفَثَّهُمْ وَلَيُوفُوا نُذُورَهُمْ وَلَيَطَوَّفُوا
بِالْبَيْتِ الْعَتِيقِ


â€œSana booda xuriwwan isaanii haa dhabamsiisan, qodhaa (silati) isaaniis haa guutan, Mana duriis (Kaâ€™abaa) haa naannawan (xawaafa godhan).â€ Suuratu Al-Hajj 22:29

Gabaabumatti, tawhiida galmaan gahuuf ibaadawan kunniinii fi kanneen biroo asitti hin kaasne kan akka tawbaa, ibaadaaf mataa haaddachuu fi kkf Rabbi tokkicha shariika hin qabneef godhamu qabu. Akkuma Rabbiin oltaâ€™aan jedhe:

﴿ وَقَضَى رَبُّكَ أَلَا تَعْبُدُوا إِلَّا إِيَّاهُ ﴾

â€œGooftaan kee Isa malee homaayyu akka hin gabbarreeâ€ murteesee jira.â€ Suuratu Al-Israa
17:23

Ammas ni jedha:



â€œSi qofa gabbarra, Si qofa gargaarsifanna.â€ Suuratu Al-Faatihah 1:5

Aayah tana ilaachise Al-Maqruuzi ni jedha: Gabaabumatti ibaadan jecha Isaa: â€œSi qofa gabbarra.â€ jedhu keessatti dubbatame: sujuuda, tawakkula, gara Isaatti deebiâ€™u, taqwaa, sodaa, tawbaa, nazrii (silati), kakachu, tasbih, takbiir, tahlil, tahamiid, istighfaara (araarama kadhachuu), gadi of qabuu fi gabbarriif mataa haadachuu, duâ€™aayidha. Kuni hundi haqa Rabbii oltaâ€™aa qofaaf taâ€™eedha.â€ (Tajriidu At-Tawhid fuula 22)

Ammas aayah tana ilaachise As-Sanaâ€™aanii ni jedha: Rabbiin oltaâ€™aan gabroonni Isaa: â€œSi qofa gabbarraâ€ akka jedhan ajaje. Namni kana jedhu dhugaa hin dubbatu hanga ibaadaa Rabbiif qofa godhutti malee. Taâ€™uu baannan, kijibaa jecha tana jechuu irraa dhoowwame taâ€™a. hiikni jecha tanaa (Si qofa gabbarra): Kan biraat dhiisnee Ibaadadhaan Si adda baafna, Si tokkichoomsina.â€ Suni hiika jecha Isaa: â€œAna qofa gabbaraa.â€ (Al-Ankabuut 29:56), â€œAna qofa sodaadhaa.â€ (Al-Baqarah 2:41) Akkuma beekkumsa dubbii ibsuu irraa beekkamutti, wanta xumura dhufuu qabu dursa fiduun â€œqofaâ€ taâ€™uu agarsiisa. (Hima Arabiffaa keessatti jecha gara boodaatti dhufuu qabu jalqaba irratti fiduun, wanti dubbatame suni jecha jalqaba irratti dubbatame qofaaf taâ€™uu agarsiisa.) Kanaafu, â€œAna qofa gabbaraaâ€ jechuun Rabbiin malee homaa hin gabbarinaa, Isaan ala wanta biraat dhiisnee Ibaadadhaan Si adda baafna, Si tokkichoomsina.â€ Suni hiika jecha Isaa: â€œTawhidha ibaadaatiin Rabbiin tokkichoomsun hin guuttamu hanga duâ€™aayin hundi Isaaf taâ€™uu utti malee. Yeroo rakkoo fi mijaaâ€™innaa keessatti duâ€™aayin Rabbiif tokkichaaf malee homaafu hin taâ€™uâ€! nazrii fi qalmii Isa qofaafi. Gadi of qabuu, Rabbiif of gadi xiqqeessuuf dhaabbachuun, rukuuâ€™unni, sujuunni, xawaafni, [ibaadaa gochuuf] mataa haadachu fi gabaabsuun gosoota ibaadaa Rabbiif malee homaafu hin taanedha.â€ (Taxhiirul Iâ€™itqaad fuula 27 gabaabbinaan)

Sujuudu fi rukuâ€™a buâ€™uun gosoota ibaadaa gurguddaa keessaa waan taâ€™aniif Rabbii tokkicha qofaaf taâ€™uu qabu. Kanaafu, Rabbiin ala wanta biraatiif sujuudu fi rukuâ€™a buâ€™uun hojji iimaana diigudha.

Madda:

[â€œNawaqidul Iimaani al-qawliyah wal amalayahâ€](#) fuula 265-267 Abdulaziz bin Muhammad

Kitaabban wabii:

[\[1\]](#) Tafsiiru Muyassar-46

[\[2\]](#) Tafsiiru Muyassar-251, Tafsiiru Xabarii-13/491-493, Tafsiiru Tahriir wa tanwiir-13/111

[3] Tafsiiru Qurâ€™aanil Kariim-suuratu Fussilat-198,200, Tafsiru Muyassar-480

Date Created

September 8, 2020

Author

admin